

**CENTRALNA BANKA  
BOSNE I HERCEGOVINE**

Broj: UV-150-01-1-1425-11 /21 SAK

Sarajevo, 08.07. 2021. godine

Na osnovu člana 70. stav (1) i (3) Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i broj: UV-122-01-1-1045-11/21 od 28. aprila 2021. godine i člana 13. stav (3), člana 43. stav (1) i člana 45. stav (2) Pravilnika o javnim nabavkama, broj: UV-150-01-1-1467-3/20 od 27.07.2020. godine, Upravno vijeće Centralne banke Bosne i Hercegovine na 9. sjednici od 29.06.2021. godine, donosi

**O D L U K U**

**o izboru najpovoljnijeg ponuđača u postupku javne nabavke roba – desktop računari (TIP I i II) – lot 1**

**Član 1.**

Centralna banka Bosne i Hercegovine (u daljnjem tekstu: Centralna banka), ugovor za nabavku roba - desktop računari (TIP I i II) – lot 1, dodjeljuje ponuđaču R&S d.o.o. Sarajevo, u svemu prema Ponudi broj: 160621/21 od 15.06.2021. godine.

**Član 2.**

Ponuda ponuđača iz člana 1. ove odluke glasi na iznos od:

145.064,00 KM bez PDV-a

(slovima: stočetrdesetpetiljadašezdesetčetiri konvertibilne marke i 00/100)

odnosno

169.724,88 KM sa uračunatim PDV-om

(slovima: stošezdesetdevethiljadasedamstotinadvadesetčetiri konvertibilne marke i 88/100).

**Član 3.**

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke zaključiti ugovor, za čije se izvršenje zadužuje Odjeljenje za informacione tehnologije Centralnog ureda Centralne banke Bosne i Hercegovine (u daljem tekstu: Odjeljenje za informacione tehnologije).

**Član 4.**

Za realizaciju ove odluke zadužuju se Odjeljenje za javne nabavke Centralnog ureda Centralne banke Bosne i Hercegovine (u daljem tekstu: Odjeljenje za javne nabavke), Odjeljenje za informacione tehnologije i Odjeljenje za računovodstvo i finansije Centralnog ureda Centralne banke Bosne i Hercegovine.

**Član 5.**

Ova odluka će se objaviti na web stranici Centralne banke [www.cbbh.ba](http://www.cbbh.ba) istovremeno s upućivanjem obavještenja o rezultatima postupka ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama („Službeni glasnik BiH“, broj: 39/14).

## O b r a z l o ž e n j e

Postupak javne nabavke roba – desktop i laptop računari, pokrenut je Odlukom, broj: 150-15-4-1221-2/21 SAK od 24. maja 2021.godine.

U skladu s tim, Centralna banka je 26.05.2021. godine na portalu Javnih nabavki objavila Obavještenje o nabavci broj: 1370-1-1-256-3-153/21 zajedno sa tenderskom dokumentacijom. Dana 09.06.2021. godine objavljena je Izmjena i dopuna navedene tenderske dokumentacije.

U predviđenom roku za dostavljanje ponuda, odnosno do 15.06.2021. godine do 10:00 sati, blagovremeno je dostavljena jedna ponuda za lot 1 i to ponuda ponuđača R&S d.o.o. Sarajevo, Igmanska bb, 71 320 Vogošća.

Komisija za provođenje postupka javne nabavke (u daljem tekstu: Komisija) je izvršila pregled i ocjenu pristigle ponude i konstatovala da ponuda ispunjava sve uslove utvrđene u tenderskoj dokumentaciji za lot 1.

Komisija je u svom Zapisniku o pregledu i ocjeni ponuda broj: 149-15-4-1363-5/21 od 21.06.2021. godine i Izvještaju o radu Komisije sa preporukom, broj 149-15-4-1363-6/21 od 21.06.2021. godine, dala preporuku za donošenje odluke kao u dispozitivu.

### **Pouka o pravnom lijeku:**

Protiv ove odluke može se, u pisanoj formi, uložiti žalba Centralnoj banci Bosne i Hercegovine, u roku od deset dana, od dana dostavljanja ove odluke.

**Predsjedavajući Upravnog vijeća  
Centralne banke Bosne i Hercegovine**

**GUVERNER  
dr. Senad Softić**



Dostaviti:

- učesniku u postupku;
- guverneru;
- članovima Upravnog vijeća;
- viceguvernerima;
- Uredu glavnog internog revizora;
- Komisiji za nabavku;
- sekretaru Uprave i Upravnog vijeća;
- Odjeljenju za informacione tehnologije;
- Odjeljenju za računovodstvo i finansije;
- Odjeljenju za javne nabavke;
- arhiva